

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 4

-- EPERERA 1952 --

MAT. 39.

Ua Faatiahia Te Faaipoiporaa E Te Atua.

E I T A te hanahana Tireriera e noaa i te tane e a ore râ i vahine ia taa-ê raua. Eita atoa te îraa o te tino, te oaoa, te hanahana e te mau basileia e noaa ia vai hoê noa te tane e te vahine. Te faaite mai nei te natura, te mau hinaaro e te huru mau o te taata i te reira, e ua faatiahia e ua haamo'ahia te reira e te reo o te Atua. Ua haamanihia te vahine no te tane e ua faatia te Atua i te oro'a no te faaipoiporaa. E tia ia ravehia te reira oro'a i raro a'e i te faatereraa o te Atua. E mea tia roa ia tuu te Metua o te taata nei i ta'na parau i roto i te faaipoiporaa tino nei o ta'na mau tamarii. No te rahi o te mau hopea tei roto i te reira oro'a, e mea tia roa ia haapao te faatere rahi i te reira, e ia faafaro i te reira no te maitai o na pae e piti, te maitai o te amuiraa taata, e no te maitai o te huaai i roto i

HISTORIAN'S OFFICE LIBRARY
The Church of Jesus Christ of Latter-day Saints

teie nei ao e no te ora mure ore e haere mai nei.

Te titau nei te mau mea otane e te mau mea ovahine, i roto i te ao nei, ia amuihia ratou, e ua tia roa te reira. Area râ, ia ore te ture no te faatereraa i te reira, e tupu ia te anoi noa, e te hopea o te reira o te oto ia, te ati e te pohe hoi. Ua riro te faaipoiporaa ei tufaa i roto i te ohipa pae faaroo. E oro'a mo'a hoi te reira, ia ravehia te reira ma te tura. Te faaipoiporaa matamua tei faaterehia, ua ravehia ia e te Atua. O te Atua tei parau e, *E ere ia i te mea maitai ia parahi noa Adamu oia ana'e ra.* O te Atua tei afai mai ia Eva e tei horoa ia'na ia Adamu, e o te Atua hoi tei faaue atu ia raua, tei riro ei hoê, *ia fanau e ia rahi.*

Te faaipoiporaa, ia ravehia ma te afaro, e ia ore ia raveino-hia i roto i to'na huru, e riro ia ei mea mo'a e te viivii ore. Te parau e, ua hau atu te parahi taa noa i te mo'a i te faaipoiporaa, e ua hau atu i te mo'a, i mua i te ra'i, te tane e te vahine te parahi-taa-noa, e hape rahi roa ia te reira tei ore roa i faatiahia e te feruriraa e te heheuraa. Eita te hoê o te mau mea o te mana'o e te mau tufaa o te tino e riro ei mea ino e te viivii ia ravehia i roto i te tia, area, ia rave tatou i to tatou mau mana na roto i te hape, o te reira ia te mea ino.

Te faaipoiporaa matamua tei papaihia i roto i te mau parau mo'a o te faaipoiporaa ia o na taata tahuti ore. A faao-tihia'i to raua oro'a, aita â i parauhia te parau no te pohe. Aita e hara i te reira taime, no reira, aita atoa e poheraa. Ua riro atura te tane e te vahine ei mea mure ore, e ua horoahia ia raua te mana i nia i te mau mea atoa i nia i te ao nei. Ua tae mai te pohe e te ture a te tane i nia i te vahine

ei hopea no te hi'araa. Ua aufauhia te utu'a, ravehia'tura te ohipa no te faaoraraa, e na roto i te taraehara ua faaho'ihia, i teie na taata toopiti, to raua huru matamua ra.

Ia tae i te tia-faahou-raa, e haere mai Adamu raua o Eva mai i te haamataraa i roto i te ô, e i reira aita raua e faataa-faahou-hia. E taati-faahu-hia raua, eiaha râ mai te huru o na varua tei ore roa i ite i te mana e te huru o te taata, e haere mai râ raua mai te tane e te vahine tei taati-mure-ore-hia e ma te mana ia fanau e ia rahi, ia noaa ia raua te basileia ma te mure ore i mua ia raua no te raveraa i te mau mana i horoahia na raua e te Atua no te pae varua, te pae o te feruriraa, e te pae tino hoi ei aratai i te fetii taata atoa, tei haamaitai-roa-hia na roto i te raveraa e te haapaoraa i te ture mure ore, e tei ineine i te rave i te ohipa e te mau ite no te tiretiera, e ia faatere i nia i to ratou hui tamarii e amuri noa'tu.

O te reira te huru a te hoê faaipoiporaa, aita i ravehia no te hoê taima ana'e, no te mure ore râ. Tae maira te opihe ei haapeapearaa noa iho. Aita te taatiraa o te faaipoiporaa i motu. No te ra'i te titiro i titirohia'i raua ra, e e tae to'na mana i ô atu i te paruru, e e tae atoa to'na puai i roto i te ao e haere mai nei. Aita to reira e hopea. Te vai ra te rima o te Atua i roto i te reira, e na'na hoi te titiro tei haamana i te reira e a muri noa'tu. Te mau faaipoiporaa tei ravehia mai te reira e i raro a'e i te reira mau ture, e noaa ia ia ratou te reira mana. Te mau oro'a te ravehia e te feia tei faatoro'ahia no te reira, ua au ia to ratou mana mai te mea e, na te Atua iho i rave. O tei farii ia outou, ua farii ia ia'u, o te parau ia a te Fatu. *Ta ratou e haamau i raro nei, e haa-*

HISTORIAN'S OFFICE

Church of Jesus Christ of Latter-day Saints

47 East South Temple St.

HISTORIAN'S OFFICE LIBRARY
The Church of Jesus Christ of Latter-day Saints

muu-atoa-hia ia i te aora. O te mana te reira no te Autahu'a-raa mo'a, e o te reira atoa te mana titiroraa no te Feia Mo'a o te Atua, e o te reira ia te ravea e ô ai ratou i roto i te faa-auraa mo'a o te faaipoiporaa no te pae varua te vai e a muri noa'tu. Ua mauhia te taviri no te reira mana e te hoê noa iho taata i te taime hoê, e na tuuhia'tu te reira i nia i te Peresideni o te Ekalesia atoa o te Atua i roto i te tino nei. A-reâ, a mau ai oia i te reira mau taviri, e tia i te tahi atu â mau taata ia rave i te reira ohipa i raro a'e i to'na ra mana e ta'na faatereraa.

Te mau amuiraa tei ravehia e te tane e te vahine na roto i to ratou iho mau hinaaro, ma te faatia-ore-raa-hia e te mana mau, ua riro ia ei mea mure noa. E tae te hopea o taua faauraa ra ia pohe te hoê o raua. Eita te Atua e ite mai i te mea tei ore i faauehia e na. Eita roa te mau oro'a e te fafauraa o te tane e te vahine, tei ravehia e te taata tei ore i faatoro'ahia e te Atua no te reira ohipa, e fariihia i nia i te ra'i, e riro râ te reira no te ao ana'e e no te hoê tau. Te manaraa o na metua, tei taatihia mai te reira, i nia i to raua huaai, no te ao ana'e ia, e eita te reira e tae atu no te mau ao i ô atu. E faaore te pohe i te reira mau taatiraa o te faaipoiporaa e no te metuaraa, e i reira e moe ê te mau melo o te utuafare.

Aita roa e mana e vai nei no te taati-faahou-raa ia ratou, maori râ o te Atua ana'e, e no te mea te rave nei Oia i te ohipa mai te au i te ture, e aita hoi taua ture i haapaohia, e vai noa te taa-ê-raa e a muri noa'tu. *I te tia faahou-raara, aore ia e faaipoiporaa, aore hoi e horoaraa ia faaipoipohia,* area, i roto i te huru faaorahia, mai te mau melahi, e riro ia

area, i
ei mau
korona
roa'tu i
mau me
vai taa-
i te îra
i roto i
huru m
reraa i
o te tai
re ore.

I r
ua riro
faaora
e aita a
na tei h
raa e tia
taata te
i te ma
e ia am

I r
faarahil
feia par
rii tama
ra i te h
i te ma
rahiraa
mai te a

area, i roto i te huru faaorahia, mai te mau melahi, e riro ia ei mau varua raverave, e a ore râ, ei tavini no tei farii i te korona no te ora mure ore, o te hoê ia huru hanahana tei hau roa'tu i te rahi e te mure ore, *i te huru tei tuuhia inia i te mau melahi*. E tia i te tane e te vahine ia faaorahia i to raua vai taa-ê-raa, area râ, eita e roaa ia raua te teiteiraa i roto i te îraa o te hanahana tiretiera, maori râ ia amuihia raua i roto i te faaipoiporaa tiretiera, no te mea o te reira ia te huru mau o te îraa o tei amuihia i te mau horoaraa no te haereraa i mua, e tei reira te raveraa i te mau mâna mure ore o te tane e te vahine tei amuihia ei hoê i roto i te fafau mure ore.

I roto i te faatereraa o te ra'i, mai te au i to te fenua nei ua riro te tane *ei upoo no te vahine*, e ua papaihia e, *o oia te faaora no te tino*. Area râ, *aita râ te tane i taa-ê i te vahine, e aita atoa te vahine i taa-ê i te tane i te Fatu nei*. O Adamu na tei hamanihia e o Eva i muri iho. I roto i te tia-faahou-raa e tia apipiti raua a mau atu ai i te mau mana atoa. O te taata tei haavi i te mau mea atoa, e mea tia roa ia farii oia i te mau mea atoa, e ia farii oia i ta'na vahine tei tia faahou e ia amui raua no te fariiraa i te mau oaoa.

I reira to tatou Metua Mure Ore e faahanahanahia'i e e faarahihia'i to'na mana. Na roto i te tupuraa o te huaai o te feia parau-tia e a muri noa'tu, te rahiraa o ta'na mau tamarii tamaroa e ta'na mau tamarii tamahine, e faatupu te reira i te hinaaro no te tahi mau ao apî, ia hamanihia mai te au i te mau ture mure ore, ia parahi ratou i roto i te ao ei parahiraa no te mau varua, te mau tino e te mau varua hau ê mai te au i to ratou mau tiaraa i nia i te e'a o te haereraa i

HISTORICAL OFFICE LIBRARY
The Church of Jesus Christ of Latter-day Saints

te îraa o te haapaoraa tiretiera ra; i faataahia ratou ei ao maramarama, ei ao tamataraa e no te faautu'araa, mai te vahi e au no ratou na roto i te mau ao tai'o-ore-hia tei faatupuhia e to tatou Metua Mure Ore ra.

I roto i te haapaoraa i Ta'na mau ture e noaa te hau i teie nei e te oaoa a muri atu. O te mau feia tei au maitai ia'na, e au ia ratou i te tumu o te mau oaoa e te mau mana. E itehia ta'na mau faaneraa i roto i te ora hopea ore, e te feia te patoi Ia'na e ta'na mau haapiiraa e tamanu ia ratou i te uputa ia ratou iho no te oaoa e te haereraa i mua. Area râ, no ratou o te farii i ta'na Evanelia e tei haapao i ta'na mau faaneraa e ta'na mau haapiiraa, ua maitihiti ia te uputa no te vahi teitei roa a'e i roto i te fare o te ra'i ra, e i to ratou tautururaahia i roto i te e'a o ta oraraa nei, te noaa ra ia ia ratou te mau hanahana o taua huru e i reira e haamaitai-roahia'i te auraa o te utuafare, e i reira e horoa-atoa-hia'i te mau mana o te tino o te tamâhia e te faarahihia i roto i to na vairaa mau ia tae noa'tu ia noaa te îraa o te oaoa, tataitahi, i roto i te utuafare fetii o te taata nei, e te hanahana no te Faatere, e te Patereareha e te Arii o te taatoa.

Te Maitiraa Toro'a

I te taime Adamu ma i hurihia'i i rapae au i te ô i Ede-ne ra, ua parau atu te Fatu ia'na ra e, "e amu oe i ta oe maama te hou i nia i to rae, e ho'i noa'tu oe i raro i te repo."

Mai taua taime mai ra e i teie nei â hoi, te imi noa ra te taata i ta'na iho ravea no te oraraa. E rave rahi te tamarii

tei haapi
te oraraa
haere no
mau ohi
iho te ra
ohipa hâ
tamarii i
Emea ma
haapiiraa
taote, ta
haamana

E ra
ravea no
teitei no
piiraa ra
ta ratou

Te r
na e noaa
3:27)

No r
Mo'a i te
e te Atua
roa, e tia
to'na ra

O tei
Semita i
sia nei, a
ekalesia
ekalesia

u ei ao
mai te
tei faa-
nau i teie
ai ia'na,
a. E ite-
e feia te
i te u-
area râ,
'na mau
uta no te
ratou tau-
ia ia ra-
aitai-roa-
hia'i te
oto i to-
a, tatai-
anahana

tei haapiihia e to ratou iho metua i ta te metua raveraa no te oraraa nei. E rave rahi hoi te tamarii i teie nei tau te haere noa'tu nei i te haapiiraa ia tia ia ratou ia haapii i te mau ohipa maramarama o te ao nei e roaa mai ai ia ratou iho te ravea no te oraraa. Na ratou râ e maiti i ta ratou iho ohipa haapii e au ia no ratou ra. E mea au te ohipa haapii tamarii i te hoê ra, no reira, e haapii oia i taua iho ohipa ra. E mea maitai hoi te ohipa uira i te tahi, e e haere ihoâ oia ite haapiiraa ê. E te tahi atu â taata, e haapii ia oia i te ohipa taote, ta'na ia e hinaaro. E te hopea o te mau ohipa ta'u e haamana'o nei, o te ohipa faaroo ia.

E rave rahi hoi te tamarii tei maitai i teie nei ohipa ei ravea no ta ratou oraraa. Ua haere ratou i te hoê haapiiraa teitei no te haapii i teie ohipa e ia hope te taime no te haapiiraa ra, ua faarirohia maira ratou ei taata faatere rahi no ta ratou iho ekalesia.

Te na ô mai nei te hoê parau e, "Aita o te taata e mana e noaa, maori râ o te horoahia mai no te ra'i ra." (Ioane 3:27)

No reira, te faaroo nei te Ekalesia a Iesu Mesia i te Feia Mo'a i te Mau Mahana Hopea Nei e, "ei taata maiti-mau-hia e te Atua, na roto i te tohu, te tuuraa o te rima o te feia toroa, e tia i, ia a'o i te evanelia e ia faatere i te ohipa no to'na ra toro'a."

O teie ia te hoê hiroa faaroo ta te peropheta o Iosepha Semita i papai mai ra. Mai te au i te haapiiraa o te ekalesia nei, aita roa i tia ia tatou ia imi i te toroa au i roto i te ekalesia na tatou iho nei. O vai te taata faatere rahi no te ekalesia maori râ, o Iesu Mesia, O O'na ia te tihi rahi ra.

Mai te mea e, e hoê fare tei opuahia ia faatia, na te mau raau anei e te mau naero e maiti i te tamuta, e aore râ na te tamuta e maiti i te mau raau e te mau taihaa atoa no te hamaniraa ra. Oia mau ia, e maiti te tamuta i te mau mea mai ta'na i hinaaro, no te mea ra, tei ia'na ra te îte no te hamaniraa i te reira ohipa.

Ua riro mai ia tatou ei fare na Iesu iho, o Oia te tamuta ra, e No'na te fare atoa i te ati-maitai-raa ia'na ra." (Ephesia 2:21.) E na'na hoi e maiti mai ia tatou nei, eiaha râ tatou e maiti ia'na ra. "E ere o outou tei hinaaro mai ia'u; o vau râ tei hinaaro atu ia outou, e ua haapao ia outou ia haere outou e ia hotu i te huero, ei huero vaiiho taiata, ia horoa mai te Metua ia outou i ta outou e ani atu ma to'u nei io'a ia'na ra." (Ioane 15:16.)

Ua haapiihia teie nei haapiiraa i te mau tau atoa ra, mai te matamua mai â. Te haapii atu ra Paulo i teie nei parau i to Hebera i te na ô ra e, "E aore roa e taata e rave noa i teie nei tura no'na iho, maori râ o tei parauhia e te Atua, mai ia Aaron a ra."

O teie ia te parau pâpû. Aita hoi i tia ia tatou ia maiti i te ohipa au na tatou i roto i te evanelia nei. Ia maiti mauhia ra tatou na roto i te heheuraa a te Atua, e tia'i, oia hoi, mai ta Aaron a maitiraahia ra. Ua paran mai te Atua iho ia Mose ra e, e rave ia Aaron a, e to'na ra taeae, ei Tahu'a i roto i te Autahu'araa, e ei tauturu hoi no'na ra. A faataa na oe i to tuaana ia Aaron a ta'na mau tamarii tamaroa atoa, no roto i te tamarii a Iseraela, ei pihai iho ratou ia oe, ei rave i te toroa tahu'a i mua ia'u."

I ta Iesu raveraa ohipa i nia i te ao nei, e rave rahi te ohipa mo'a Ta'na i rave ra. Te haapii atu ra Oia e, ua to-

nohia m
te mau t
to i te re
raa. E te
tura oia
parauhia
te upe'a
tura oia
vaai taat
e ua pee
toopiti â
Ioane, te
i ta rato
4:19-21)

Ua j
e putupu
ratou, ia
te man n

Te f
mea tia i
te heheur
faauehia
mai i te
tahi Arii
16:1)

Ua r
teie paha
Iehova ia
e to'na b

nohia mai oia no te faatupu i ta'na ekalesia. Ua maiti anei te mau taata, tei faaroo mai ia'na, i ta ratou iho toroà i roto i te reira tau? Aita roa, mai teie râ te huru o te maitiraa. E te haere ra Iesu na te hiti i te roto i Talilea ra, hi'o a-tura oia i e toopiti pue taata, i te tuaana ia Simona, o tei parauhia ia Petero ra, e i te taeae ia o Anederea, tei tuu ra i te upe'a i taua roto ra, e pue ravaai hoi raua. Ua parau a-tura oia ia raua, A pee mai ia'u e faariro vau ia orua ei ravaai taata. Faarue ihora raua i ta raua tau upe'a i reira ra e ua pee atura Ia'na. E te haere noa'tura oia, i te atura i e toopiti â pue taata, o Iakobo a Jebedaio ra e ta'na taeae o Ioane, tei nia i te boti e to raua metua o Jebedaio, te ene ra i ta ratou mau upea, ua parau atura oia ia raua." (Mtaio 4:19-21)

Ua parau atura oia i ta'na mau pîpî tino ahuru ma piti e putuputu maira i pihai iho ia'na ua tuu atura i te mana no ratou, ia tiavaru i te mau varua viivii i rapae, e ia faaora i te mau ma'i e te mau pohe atoa." (Mataio 10:1)

Te feruri nei paha tatou e, eaha ra tetumu, e ere i te mea tia ia maitihia tatou na roto i te ururaa ore, e aore râ, te heheuraa ore o te Atua? I te anotau no Samuela ra, ua faauehia oia ia maiti i te hoê Aarii apî no Isaraela ra, no roto mai i te mau tamaiti no Iese, no te mea ra, ua noaa hoi te tahi Aarii na'u i roto i te mau tamarii na'na ra." (Samuela I 16:1)

Ua mana'o Samuela i ta'na iho pororaa ia ratou ra, o teie paha te taata, o tera paha te taata. Ua parau mai ra Iehova ia Samuela i te na ô raa e, eiaha e hi'o i to'na mata, e to'na huru i te teitei, no te mea, aore oia i tiahia e au: e

ore hoi ta Iehova hi'oraa e au i ta te taata; e hi'o hoi te taata i te huru i rapae au a'e, area Iehova, e hi'o ia i te aau." (Irava 7,)

Ahiri, ua ravehia te Arii apî no roto mai i taua pue taata ra mai te au i ta Samuela i hinaaro e mea papu hoi, ua ravehia ihoâ te taata au ore i te Atua ra. No te mea e, te hi'o ra Samuela i to'na ra mau huru i rapae au, eiaha râ i i to'na aau.

Hoê â huru tatou i ta tatou hi'oraa i te taata ra. Ia tatuturu-ore-hia tatou e Ana i te maitiraa i te taata faatere no te ekalesia, e ere oia i te mea au no taua toroa ra. Ia mau râ te Autahu'araa mau e te Varua Maitai, oia hoi, te ve'a o te Atua ia tatou nei, e tano ia tei maitihia ra.

Ia maiti-mau-hia tatou e te Atua, na roto mai te vaha o ta'na ra mau tavini mau, ua tia ia ia tatou ia rave i ta'na ohipa. E te mea ta tatou e haamau i raro nei, e haamau-atoa-hia ia i te ra'i ra. (Mataio 18:18) E ia patoihia te tavini a te Atua e te taata, te patoi atoa nei oia i te Atua iho, no te mea e, "Na te Atua oia i maiti." (Luka 10:15)

Papaiahia e Jay Larson

Parau Faaite

Te reva nei to tatou Peresideni Misioni o Leroi e to'na hoa Muria, te hoi atu nei raua i to raua fenua ai'a. Ua oti maitai ta raua tufaa ohipa, tei faataahia e te Atua na raua i teie pae au moana nei. Ua mauruuru tatou atoa ia raua no te mau ohipa maitai ta raua i rave i teie pae au nei, te mau haapiiraa hohonu e te faufaa rahi tei riro ei faufaa na tatou, e te mau maitai ta raua i vaiho mai na te feia apî, e ore te reira e moe ia tatou. Te pure nei matou i te Atua, ia haamaitai i to raua taa e ra ia tatou, e te faaoro mai nei tatou i to tatou oto.

Ua faataa hia to raua mono, e tae mai ia na nia i te manu-

reva i te n

no te Misi
o Dick ore
reira ihoâ
resideni h

reva i te mahana matamua no Eperela nei, oia hoi o.

Othello P. Pearce e to'na hoa o

Vilate B. Pearce o raua ia te Peresideni apî no te Misioni, e metua hoi raua no te hoê orometua i teie pae o Dick orometua. E farii ia tatou ia raua, ia tae mai. I te reira ihoâ avion i te 3 no Eperela e reva atu ia to tatou Peresideni here o *Leroi e Muria*.



Ia Ora Na Outou.

Na te mau taeae e te mau Tuahine, te mau huaai tamarii, e to maua mau hoa'toa no te mau fenua i Oceania nei. Ia ora na outou i teie farerei raa hopea na roto i te Heheuraa Apî.

Ua tae mai te hoê rata, tei papaihia e te Peresideniraa Rahi no te Ekaleia, tei faaite mai e, Ua oti, ta maua Peresideniraa e ta maua mau ohipa i teie mau fenua Moana. Ua tae hoi i te tau ia hoi atu maua i to maua mau tamarii, e i to maua mau fenua ai'a.

Aita ta maua e ravea ia farerei atu e ia parau vaha atu ia outou i to maua mau mana'o, e te rave nei maua i teie ravea, na roto i te "Heheuraa Apî."

Te parau atu nei maua ia outou e, mauruuru, no to outou here, to outou aroha, e te mau tautururaa, ta maua i faaarii maitai raahia e outou, e to te mau fenua atoa.

E mea here roa maua ia outou, e mai te mea ra e, ua parau maua i te hoê parau, e aore ra, ua rave maua i te hoê mea tei faatupu i te oto, e aore ra te inoino i roto i te aaui i te hoê, te tatarahapa nei maua no te reira, e te ani haeha atu nei maua ia faaorehia i te reira.

E haamana'o noa maua ia outou e tae noa'tu i te hopea o to maua ora raa, no te mea, ua tanu outou i te huero o to Here, e te aroha i roto i to maua mafatu, e ua tupu reira i to rahi raa, e te tupu noa nei â.

Ua ite maua e, e feia here hia outou e te Atua, no te mea, ua horoa mai Oia i teie mau fenua hau i te nehenehe e fenua ai'a na outou. E feia maiti-mau-hia outou e te Atua.

Te ani atu nei maua ia outou ia faaitoito â outou, i to imiraa i te mau mea maitai, te mau mea nehenehe, e te mau

mea par

Atua ra

tou, ia t

Te p

oia hoi t

hana He

Ua t

Atua.

Te a

na, ma t

e tae ma

E te

ia parau

Ia o

e tae noa

Te Basilei

Eaha te a

Hau e ta'

tae noa'tu

Te parau

Arii.

No re

Atua, oia

mea parau mau, e te parau tia, no te mea, no ò mai i te Atua ra te reira, e na te reira ra mau mea e faatiamâ ia outou, ia tae atu outou i mua i te Fatu.

Te parau atu nei maua ia outou na, o te Ekalesia mau, oia hoi te Ekalesia a Iesu Mesia i te Feia Mo'a i te Mau Mahana Hopea nei.

Ua i te maua e, o Iosepha e Peropheta mau oia na te Atua.

Te ani atu nei maua ia outou ia tai'o i te Buka Moromona, ma te aau haehaa e te hinaaro mau ia i te i te parau mau, e tae mai ihoâ ia taua îte ra.

E teie nei, e to maua mau hoa here e, ua tae i te hora ia parau e, Ia Ora Na!

Ia ora na outou i te mau here e te Aroha o to tatou Fatu, e tae noa'tu ia farerei faahou tatou i tera Ao.

*Papaihia e to outou taeae e to
outou Tuahine i roto i te Faaroo*

(Leroi) raua (Muria) Mallery.

To Tatou Tiaraa

Tuatiraa

Te Basileia o te Atua.

Eaha te auraa no te parau ra e Basileia? Teie, o te hoê ia Hau e ta'na faatere raa e te mau taata e te mau mea atoa e tae noa'tu i te mau oti'a fenua i raro a'e i ta'na faatere ra. Te parau Basileia o te hoê ia Hau tei faatere hia e te hoê Arii.

No reira o te "Basileia o Te Atua" o te Hau ia o te Atua, oia hoi o Ta'na ia Ekalesa, tei faatia hia e Ta'na Ta-

maiti o Iesu Mesia, mai te au i tei tohu hia mai e te Perophe-
ta ra e Daniela 2:44. "Ia tae i te anotau o taua mau arii ra
e faatupu ai te Atua o te Ra'i i te hoê Basileia o te ore roa e
mou, o te ore roa e riro ia vetahi ê, e hope taua mau Basile-
ia ra i te parari e e pau, e vai tera e amuri noa'tu."

Na teie parau e haapapu mai ia tatou te vai ra te Basi-
leia ta te Atua e faatia ia tae i to'na ra tau mau. E rave
rahi mau Ekalesia tei faatia hia inia i teie nei ao, tei tau
maro noa inia i parau tohu a Daniela; mai te parau e o teie
ia Ekalesia taua Basileia ra, te parau mai ra hoi te tahi o
teie ia, e na reira noa taua maro raa nei. Te parau mai ra
hoi te tahi e e Basileia feua, te parau ra hoi ratou e o te
Hau Marite ia. Aue ia Hau Marite i fanao e ... no te mea
e vai noa oia e amuri noa'tu; e o oia ia te Hau e faatere i te
ao taatoa nei i te tau i faataa hia. Area ra e vaiho noa atu
tatou i te ra e i te ra haapaoraa ia tatara e ia tatara noa na i
ta'na faataaraa inia i te irava nei, e imi â tatou i te auraa
mau no teie mau irava tei papai hia i roto i re Bibilia, e na
te Bibilia iho e aratai ia tatou na nia i te mau vahi ta'na i
faaite mai, no te mea ua riro taua Buka ra ei aveia no te
mau cheretetano atoa noa'tu i te taae raa te tahi i te tahi.

Tuatapaparai tatou inia i te tumu parau i roaa mai ai
teie tohuraa a Daniela i faaite hia i nia nei. I roto i te pene
piti a Danieia, te tatara nei taua Peropheeta ra i te hoê taoto
itea ore hia a te Arii o taua Basileia ta'na e parahi ra o Ba-
bulonia oia hoi ta Nebukanesa. Te faaite nei Daniela e na
ite te Arii i te hoê Tii rahi riaria i roto i ta'na taoto, teie te
huru no taua Tii ra.

Te
mai ra t
te araea
Puehu a
te auri, e
te Ofai i
e faa i r
niela i ta

Na ô
taua mau
sileia o te
i ite ite p
Atua e fa
Ite h
i te tapua

- 1 - Te upoo o taua Tii ra e auro maitai ia
- 2 - Te ouma e na rima ra e ario ia
- 3 - Te opu e na humaha ra e veo ia
- 4 - Te na avae ra e auri ia
- 5 - Te na tapuae ra, e piti ia huru, e auri e te araea

Te hi'o noa ra hoi te Arii i taua Tii nei, e inaha, ua pee mai ra te hoê OFAI e ua tano mai ra inia i te tapuae auri e te araea o taua Tii nei ua haaparari roa'tura e hu'ahu'a roa. Puehu atura te mau mea i hamani hia ai taua Tii ra, oia hoi te auri, e te araea, te veo, te ario e te auro. Toe noa mai ra te Ofai i topa mai inia i te Tii e ua riro atura ei mon'a rahi e faa i roa'e ra i te fenua taatoa. E ua tatara maira o Daniela i taua taoto ra.

- | | |
|--|-----------------|
| 1 - O oe e te Arii taua upoo auro ra - | Pabulonia |
| 2 - E tupu mai te hoê Basileia i muri ia oe - | Medai e Peretia |
| 3 - E i muri e'e o te toru ia - | Heleni |
| 4 - E tupu mai hoi te maha, puai mai te auri - | Roma |
| 5 - Mai ta oe i ite i te tapuae e te mani- | |
| mani e auri te tahi pae e araea te tahi pae | |
| e amaha ia taua Basileia ra e riro ia ei na | Basileia 10 |

Na ô maira te pene 2 e te irava 44 "Ia tae i te anotau o taua mau Arii ra e faatupu ai te Atua o te Ra'i i te hoê Basileia o te vai e amuri noa'tu. Irava 45 o te Ofai ia o ta oe i ite ite pee raa mai "O taua ofai ra o te Basileia ia ta te Atua e faatupu e e faa'i i te fenua nei.

Ite hea vahi i topa mai ai taua ofai ra? Irava 34 - inia i te tapuae. E homa, i te tau no te tapuae ua oti te faatere-

raa etaeta a te Hau Roma, e ere anei? ua amaha taua Basileia Roma nei e ua noaa mai te mau Basileia e rave rahi, tei arii hia e na arii e rave rahi i te taime hoê, e tei tamata noa ia amui na roto i te faaipoiporaa e aita ra i amui, mai te auri e ore e anoi i te araea.

Haere tatou i roto i te pene 7 a Daniela, te îte nei tatou i te taoto a Daniela tei huru piri i te taoto a Nebukanesa oia hoi;

1 - Te liona mate pererau aeto	Babulonia
2 - Te tapa	Medai e Peretia
3 - Te lemera	Hereni
4 - Te puaa riaria niho auri	Roma
5 - Te na tara hoê ahuru	Basileia hoê ahuru

Te hi'o noa ra o Daniela irava 11, no te mau parau faa-ino tei parau hia e te tara iti e ua taparahihia ihora taua animala nei e ua huri hia atura i roto i te auahi. Te tahi ra mau animala, ua faaore hia ia to ratou puai ua vaiho noa hia ra to ratou ora.

13-14. Te hi'o noa ra oia, e inaha te hoê maite Tamaiti a te taata ra i te pou raa mai nania i te ata, e ua horoa hia Ia'na te faatereraa, te mana te hanahana e te Hau, e aurao hoi i te mau nunaa atoa te mau Basileia atoa, te mau taata, e te mau re'o atoa Ia'na. Ta'na faatereraa e faatereraa mu-re ore ia e ore e mon e To'na Pasileia e vai ia e amuri noa-tu. E ua tatara maitai o Daniela i te auraa no taua taoto nei. Eere anei ua taea te auraa i te pene piti a Daniela i faaita hia inia nei, oia mau ia.

Te vai atura

Tehina â Tapu

POU MOO Gérant et Imprimeur, Papeete, Tahiti.
